

ministrica za rad, socijalnu politiku, raseljena lica i izbjeglice Kantona Sarajevo, donosi

PROGRAM OBILJEŽAVANJA "DJEČIJE NEDJELJE" U KANTONU SARAJEVO ZA 2022. GODINU

I - Predmet i svrha Programa

"Dječija nedjelja" u Kantonu Sarajevo za 2022. godinu (u daljem tekstu: "Dječija nedjelja") se realizuje u cilju podrške djeci na području Kantona Sarajevo, bez održavanja javnih manifestacija. U okviru obilježavanja "Dječije nedjelje" imajući u vidu nepovoljnu epidemiološku situaciju uzrokovanu SARS-Co V-2, učesnici obilježavanja "Dječije nedjelje" su dužni pridržavati se zdravstveno, epidemioloških preporuka i naredbi nadležnih institucija.

II - Period obilježavanja

U 2022. godini "Dječija nedjelja" će se obilježiti u periodu od 03. do 09. oktobra 2022. godine.

III - Programske aktivnosti

1. Press konferencija - prezentacija Programa obilježavanja "Dječije nedjelje"

Otvaranje "Dječije nedjelje" će početi svečanim obraćanjem ministrice za rad socijalnu politiku, raseljena lica i izbjeglice Kantona Sarajevo putem nadležne Službe za protokol i press Kantona Sarajevo.

Datum održavanja: 03.10.2022. godine sa početkom u 10,00 sati.

Mjesto održavanja: Multimedijalna sala Kantona Sarajevo, ulica Reisa Džemaludina Čauševića broj 1.

Nosilac aktivnosti: Ministarstvo za rad, socijalnu politiku, raseljena lica i izbjeglice Kantona Sarajevo.

2 - Dodjela novčane podrške djeci koja boluju od maligne bolesti i imaju prebivalište u Kantonu Sarajevo

Dodjela novčane podrške će se izvršiti putem Javnog poziva za obilježavanje "Dječije nedjelje u Kantonu Sarajevo za 2022. godinu na koji se mogu prijaviti roditelji, staratelji ili usvojitelji ove djece.

3 - Medijsko promovisanje obilježavanja "Dječije nedjelje"

U cilju transparentnosti i upoznavanja šire društvene javnosti sa obilježavanjem "Dječije nedjelje" na području Kantona Sarajevo u 2022. godini, Ministarstvo za rad, socijalnu politiku, raseljena lica i izbjeglice Kantona Sarajevo će dostaviti blagovremeno medijskim kućama prikladno saopštenje za javnost, putem Službe za protokol i press Kantona Sarajevo.

IV. - Završna odredba

Ovaj program stupa na snagu danom donošenja i objavit će se u "Službenim novinama Kantona Sarajevo" i na web stranici Ministarstva za rad, socijalnu politiku, raseljena lica i izbjeglice Kantona Sarajevo.

Broj 13-03/1-31-34001-1/22
05. septembra 2022. godine
Sarajevo

Ministrica
Ivana Prvulović, s. r.

Na osnovu člana 52. stav 1. tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 41. Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija ("Službene novine Kantona Sarajevo", br. 36/06, 8/12, 39/16 i 13/22), ministrice za rad, socijalnu politiku, raseljena lica i izbjeglice Kantona Sarajevo, uz saglasnost Vlade Kantona Sarajevo, donosi

PRAVILNIK O IZMJENAMA I DOPUNAMA PRAVILNIKA O UNUTRAŠNJOJ ORGANIZACIJI MINISTARSTVA ZA RAD, SOCIJALNU POLITIKU, RASELJENA LICA I IZBJEGLICE KANTONA SARAJEVO

Član 1.

(Izmjena naziva odjeljenja u Poglavlju III, Odjeljku B)

U Pravilniku o unutrašnjoj organizaciji Ministarstva za rad, socijalnu politiku, raseljena lica i izbjeglice Kantona Sarajevo broj 13-01-30-27876/22 od 25.07.2022. godine, u Poglavlju III - Sistematizacija radnih mjesta Ministarstva, Odjeljku B - Sektor za socijalnu politiku, naziv odjeljenja: "Odjeljenje za socijalnu zaštitu, dječiju zaštitu i zaštitu porodice sa djecom" mijenja se i glasi: "Odjeljenje za socijalnu zaštitu, zaštitu civilnih žrtava rata i zaštitu porodice sa djecom."

Član 2.

(Izmjena člana 22.)

U članu 22. naziv člana: "(Radno mjesto Šef Odjeljenja za socijalnu zaštitu, dječiju zaštitu i zaštitu porodice sa djecom)" mijenja se i glasi: "(Radno mjesto Šef Odjeljenja za socijalnu zaštitu, zaštitu civilnih žrtava rata i zaštitu porodice sa djecom)".

Stav (1) mijenja se i glasi:

"(1) Naziv radnog mjesta: Šef Odjeljenja za socijalnu zaštitu, zaštitu civilnih žrtava rata i zaštitu porodice sa djecom."

Član 3.

(Dopuna člana 35.)

U članu 35. stav (4) iza interpunkcijskog znaka dodaju se riječi: "završena Elektrotehnička škola - III ili IV stepen ili".

Član 4.

(Izmjena člana 39.)

U članu 39. stav (2) tačka a) mijenja se i glasi:

"a) obavlja složene poslove u Odjeljenju;,".

Član 5.

(Dopuna člana 40.)

U članu 35. stav (4) iza interpunkcijskog znaka ":" dodaju se riječi: "završena Elektrotehnička škola - III ili IV stepen ili".

Član 6.

(Ostale odredbe Pravilnika)

Ostale odredbe Pravilnika koje nisu izmijenjene ovim Pravilnikom ostaju na snazi.

Član 7.

(Stupanje na snagu Pravilnika)

Ovaj Pravilnik stupa na snagu danom dobijanja saglasnosti od strane Vlade Kantona Sarajevo i objavit će se u "Službenim novinama Kantona Sarajevo".

Broj 13-01-30-30511/22
05. augusta 2022. godine
Sarajevo

Po ovlaštenju ministrice
Pomoćnik ministrice
Nurija Hodžić, s. r.